

SCRIPT OF EVENING GOJRI NEWS BULLETIN 8 OCT 1700 HRS

ایونینگ گو جری نیو ز بلیٹن مو رخہ 8 اکتوبر 2025

یوہ آکا شوانی جموں بے عبدالرحمن تے نصرت چوبدری تین خبر سنو۔

HEADLINES

۱۔ وزیر اعظم نریندر مودی نے کہیو کہ بھارت ٹیلی موصلات گا سفر مانہ 2 جی غی مشکلات تین نکل غے 5 جی غی کامیابی توڑی پُجو بے تے یا ہ آتم نریبھر بھارت غی مثال بے۔

۲۔ وزیر زراعت جاوید احمد ڈار نے عالمی جیو سپٹیکل کانفرنس گو افتتاح کی وتے پانیداد ٹیکنالوجی ور مبنی ترقی گا عزم نانہہ دبرايو۔

۳۔ بی ایس ایف ہکام نے دسیو کہ قبضہ لکیر ور دراندازی مانہہ کمی آئی بے کیونجے نگرانی غا نظام نانہہ مزید مضبوط بنایو گیو۔

۴۔ بھارتی فجانیہ نے اج اپنا ترانمے یوم تاسیسی منایو تے لیفٹینٹ گورنر منوج سنہا نے فضائیہ غا جواناں غی خدمت نانہہ سلام پیش کیو۔

۵۔ کیلی فورنیا امریکہ غی تیجی ریاست بنی جس نے دیوالی نانہہ سرکاری تعطیل غا طور ور تسلیم کیو۔

PM ATMANIRBHAR

وزیر اعظم نریندر مودی نے کہیو بے جے ملک غی ٹیلی موصلات سیکھر مانہہ کامیابی آتم نریبھر بھارت گا نظریہ غی طاقت نانہہ ظاہر کرے آنہاں نے کہیو جے چرو ملک پہلاں ٹو جی غے سنگ مشکلات غو سامنوا کریبیو تھو بُن تقریباً بر ضلع مانہہ 5 جی غی پنج بے وزیر اعظم نے یاہ گل یشو بھومی مانہہ انڈیا موبائل کانگرس 2025 غا نوں شمارہ گا افتتاح غے دوران کہی بیاہ ایشیا غی سب تین بڑی ٹیلی موصلات ذرائع ابلاغ و ٹیکنالوجی تقریب بے اس موقع ور اجتماع سنگ خطاب کرتا وان جناب نریندر مودی نے کہی و جے ملک مانہہ ڈیجیٹل رابطہ کاری ہون کوئی عیاشی یا سہولت نہیں رہی بلکہ بھارتی غی زندگی غو لازمی حصو بن چکی بے۔ آنہاں نے اس طرح کہیو۔

DAR IUST

زراعت غا وزیر جاوید احمد ڈار نے اج اسلامک یونیورسٹی برائے سانس و ٹیکنالوجی اونٹی پورا مانہہ مستحکم مناظر فطرت گو مستقبل غا موضوع ور بین العوامی کانفرنس غو افتتاح کیو یوہ 2 روزہ پروگرام بین العوامی سوسائٹی برائے فوٹو گرامی تے رموث سنسنگ غا اشتراک تین منعقد کیو جاریبیو بے جس مانہ دنیا بھر غا مابرین پانیداد ترقی واسطے ٹیکنالوجی ور مبنی ترقی واسطے پُر عزم بے آنہاں نے زور دتو کہ سانس جدت تے عوامی شمولیت نانہہ ایک ساتھ کم کرنو وے غو، تائجے ماحول تین جڑا نوا مسائل غو حل کٹیو جاسکے ذرائع ابلاغ سنگ گل کرتا وان آنہاں نے مزید اس طرح کہیو۔

جموں کشیر حکومت نے بچاں غا حقوق گا تحفظ واسطے بنائی گئی کمیشن غا چئیر پرنسن تے ممبران غا انتخاب واسطے نوی سلیکشن کمیٹی تشکیل کی بے اس کمیٹی غی سربراہی سماجی بہبود غا وزیر کریں گا جد کہ محکمہ سماجی بہبود گا ایڈمنسٹریٹو سیکرٹری تے قانون انصاف تے پارلیمانی امور گا سیکرٹری اس غا ممبر وین غا یاہ کمیٹی مناسب امیدواران غی فہرست تیار کرے غی اپن غی سفارش کرے غی تے جموں کمشیر چائیڈ رائیٹ کمیشن روول 2022 غے مطابق کم کرے غی اس غے نال ترے ماہ واسطے ویٹنگ لیسٹ وی بنائی جے غی۔

BSF INFILTRATION DOWN

پاکستان غا زیر قبضہ کشمیر تین دراندازی غی کوشش نانہہ بی ایس ایف تے فوج نے ناکام بنا دتو بے بی ایس ایف غا آئی جی کشمیر فرنٹیر اشوق یادو نے دسیو کہ قبضہ لکیر ور جدید ٹیکنالوچی تے چوکس جوانان غی وجہ تین کسی وی دراندازی غی کوشش کامیاب نی ہو پانی اٹھاں نے کہیو خفیہ اطلاع غے مطابق دیشت گرد اجیں وی قبضہ لکیر غے پار لانچ پیٹ ور موجود ہیں لیکن فوج غی سخت نگرانی غی وجہ تین کوئی وی کوشش کامیاب نی ہو رہی بے سر迪اں گا قریب آتا بی فوج پوری طرح تیار ہیں تانجے مزید کوششان نانہہ رو کیو جاسکے۔ اٹھاں نے مزید اس طرح کہیو۔

○*****

SEARCHES HANDWARA

جموں کشمیر پولیس نے علاقہ مانہہ غیر قانونی سرگرمیاں ور قابو پان تے امن برقرار رکھن غا افدام غا طور ور کل اُن افراد غا ریانیشی مقامات ور بدقی تلاشی کاروائی کیں جہڑہ منوعہ تنظیمان حریت تے جماعت اسلامی سنگ وابسطہ دسیا گیا ہیں سماجی ذرائع ابلاغ ور ایک پوسٹ مانہہ ہنروڑہ پولیس نے دسیو ہے جے یہ تلاشی کاروائی جاری تحقیقات غو حصو ہے جہڑی اُن سرگرمیاں گے متعلق ہیں جہڑی عوامی نظم و نسق واسطے خترو بن سکیں۔ پولیس غا اس قدم تین ظاہر وے جے اورہ علاقہ مانہہ دیشت گردی غا نیٹ ورک نانہہ ختم کرن تے امن و امان نانہہ یقینی بنان واسطے اپنا مسلسل اقدامات جاری رکھیاں واه ہے۔

LG 93RD AIR FORCE DAY

اج ملک بھارتی فضائیہ یعنی آئی اے ایف غی 93 وین سالگرہ مناری بے 8 اکتوبر 1932 نانہہ قائم ہون آلی فجائیہ نے ملک غی دفاع نانہہ مضبوط بنان مانہہ ایک نوا دور غی شروعات کی تھی۔ جس نے آن آلی دہانیاں توڑی ملک غا دفاع غی بنیاد رکھی۔ لیفٹینٹ گورنر منوج سنہا نے اج تمام بھارتی فجائیہ اگ اپلکاراں تے ان کا اپل خانہ نانہہ گرمجوش مبارک باد پیش کی ہے اٹھاں نے کہیو کہ فضائیہ نے ملک گا آسمانان غی حفاظت تے انسانی ہمدردی غا مشن مانہہ ہمیشہ ایم کردار ادا کیو ہے اٹھاں نے کہیو جے پوری قوم بھادر فضائی جوانان غی لگن تے بے لوث خدمت نانہہ سلام پیش کرے۔

CALIFORNIA DIWALI HOLIDAY

کیلیفورنیا نے سرکاری طور پر دیوالی غاہیوار نامہ ریاستی تعطیل گا طور پر تسلیم کر لیو ہے۔ پنسلوینیا کنکٹٹ تین بعد ہون یاہ امریکہ غی تیجی ریاست ہے جس نے دیوالی نامہ ریاستی تعطیل قرار دتو ہے کیلیفورنیا غاگورنر نے یوہ بل منظور کیو جہڑو اسمبلی ممبر ایش کلرا نے پشی کیو تھو۔ جس غیرے تحت ریاستی ملازمین نامہ چھٹی دتی جے گی تے اسکولان نامہ تھوار منان غی اجازت وے گی۔ مقامی لیٹران نے اس قدم نامہ ایک سنگ میل قرار دتو جہڑو بھارتی نژاد امریکیاں غی ریاست غی معشیت حکومت تے معاشرہ مانہے خدمات نامہ سہرايو ہے۔

GS DIWALI

دیوالی تین گھنے دن پہلے حکومت نے ایک برو فیصلو لیتا وان بجلی تین چلن آلا آلات ور جی ایس ٹی نامہ 28 فی صد تین کھٹ کر گئے 18 فیصد کر دتو گیو ہے اس فیصلہ تین کھریلو تے بجلی آلا سامان عام لوکاں واسطے زیادہ سستا ہو گیا بین اس ٹیکس مانہے کمی تین تھوار گا موسم مانہے فروخت مانہے اضافو ہون غی امید ہے کیونجے بُن لوک کم قیمت ور اپنا پُرانا آلات نامہ نوا مانہ تبدیل کرسکیں غادکاندار وی زیادہ خریداراں غی امید کر بیا بین جد کہ خریداد اس رعایت تین خوش ہیں۔

JKTPO CAHNDIGARH FAIR

جموں کشمیر ٹریڈ پرموشن آرگنائزشن چندی گڑھ فیر 2025 غاہی 28 وان ایڈیشن مانہہ حصو لے رہیا ہیں یوہ فیر 10 تین 13 اکتوبر توڑی سویرے غاہی 10 جے تین رات غاہی 8 جے توڑی سیکڑ 17 پریڈ گرائینڈ گا بال نمبر 3 مانہہ ویں گا۔ اس مانہہ جموں کشمیر گا بئہ تین بنا کپڑا چیز تے با غبانی تے زرعی مصنوعات نمائش واسطے رکھی جیں غی۔ اہلکاراں غیرے مطابق یاہ تقریب مقامی کاریگریاں تے کسانی نامہ قومی سطح ور اپنی پیچان بنان تے کاروبار بدھان گو موقودے غی۔
